



面子的問題

真濟人愛講：「輸人毋輸陣，輸陣歹看面。」就是講逐項攏想欲占贏面，毋願認輸，連相諍嘛是全一樣。有一款人，無欲論是非，毋管家己著抑是毋著，連相諍都硬欲諍甲贏，按呢就會予人半副洗，講伊是服侍諍王「相諍毋捌輸，相輸毋捌贏」。咱臺灣有一句俗語講：「尪公顯，弟子落臉(lak-lián)。」意思是，較早咱祖先所拜的尪公若是真靈聖(līng-siànn)，信眾就會做醮兼請人客，無論厝裡閣較散赤，姑不將嘛著愛去借錢來請人客，就是驚綴人袂著、失面子。

咱臺灣人真愛請人啣酒，閣愛恰人乾杯。你若無欲接受，伊閣會講你看伊無起，予伊無面子，煞和你變面閣頓椅頓桌，連去國外留學提著博士學位倒轉來的人，嘛是這款樣相，你是欲死賴伊呢？這敢毋是中著愛面子的毒素？我少年咧上班的時陣，有做過業務方面的主管，不時都愛恰人客盤擱。因為家己預顛啣酒，捌創造一句毋免啣酒的話：「勢啣的莫勉強毋啣，預顛啣的莫勉強啣，若是有需要駛車的就千萬袂使啣。」按呢就萬事OK無代誌矣。

古早先民踮臺灣倚起，紅白事攏著愛相陪綴，這對手面趁食人來講是一項袂少的開銷，特別是過年前，抑是較濟好日子的時陣。人講：「人情世事陪到到，無鼎閣無灶。」就是咧喝啣講，擋無啥會牢矣。這站仔，為著民選的公職人員敢著愛去走「好歹事」，處理恰紅白帖有關的人情世事，開始有人咧討論「咱各人私人的代誌，敢有需要去攪吵著別人？」其實這嘛是因為面子的問題。

以早有一句話是按呢講的：「舊例無滅，新例無設。」我想，時代無全矣，毋通閣用舊步數來理新頭路，咱敢袂當改變一寡想法「好例緊來設，惡例查查仔滅」，共傷過份、愛面子的惡例寬寬仔改掉。

作者：陳憲國

☆詞彙學習☆

- | | |
|----------------------|--|
| 【相諍】sio-tsènn：口頭爭辯。 | 【是欲死賴伊呢】sī beh sí luā--i--nih：能奈他何！ |
| 【副洗】khou-sé：譏諷。 | 【預顛】hân-bān：形容人愚笨、遲鈍、沒有才能。此處指拙於某件事。 |
| 【相輸】sio-su：打賭。 | 【手面趁食人】tshíú-bīn-thàn-tsiáh-lâng：指靠勞力討生活者。 |
| 【尪公】ang-kong：指神明偶。 | 【綴人袂著】tue-lâng-bē-tiòh：指不如人。 |
| 【落臉】lak-lián：丟臉、沒面子。 | 【喝咻】huah-hiu：大聲叫嚷。 |
| 【靈聖】līng-siànn：靈驗。 | |